

Euskal Herriko Ahotsak
ahotsak.com

Maria Arregi Idigoras

*Oñati, Gipuzkoa
(1922-2020)*

Aurkibidea



Biografia



Olabarrieta auzoko Imittola (Imitola; gaur galduta) baserrian jaio zen 1922an. Aita Arantzazu auzoko Gesaltza baserrikoa zuen, baina berak 8 urte zituela hil zen eta 5 anai-arreba geratu ziren amarekin. 7 urterekin hasi zen Olabarrietako eskolan, baina 10 urterekin umezain joan zen kalera. Han 16 hilabete egin ostean etxera itzuli zen, baina laster Legazpiko Lekuona baserrira joan zen berriz umezain. Urte eta erdi han pasa ostean, etxera itzuli eta bertan geratu zen harik eta 26 urterekin Arantzazu auzoko Arrikurtz baserrira ezkondu zen arte. Bost seme-alaba izan zituen.

Zintak

ONA-089

- **Proiektua:** Deba eskualdeko ahotsak - Oñati
- **Elkarrizketatzailea(k):** Agirrebeña, Aintzane - Elortza, Kepa
- **Data:** 2009-03-31
- **Iraupena:** 63 min
- **Euskarria:** MiniDV
- **Kodifikatzailea:** Elortza, Kepa

ONA-090

- **Proiektua:** Deba eskualdeko ahotsak - Oñati
- **Elkarrizketatzailea(k):** Agirrebeña, Aintzane - Elortza, Kepa
- **Data:** 2009-03-31
- **Iraupena:** 30 min
- **Euskarria:** MiniDV

Pasarteak

1. Aita umetan galdu zuen

- **Erref:** ONA-089/002
- **Iraupena:** 0:02:31. **Hasi:** 00:00:24. **Bukatu:** 00:02:55
- **Multimedia:** bideoa online ikusgai

Gaia(k):

- Baserria » Baserriko bizimodua » Baserriko bizimodua

Laburpena:

Maria Arregi Idigoras 1922an jaio zen, Olabarrieta auzoko Imittola (Imitola) baserrian (gaur galduta). Umetan aita galdu, eta bost anai-arreba geratu ziren amarekin eta aitajaun-amandreekin etxean.

2. 10 urterekin neskame

- **Erref:** ONA-089/003
- **Iraupena:** 0:02:53. **Hasi:** 00:02:55. **Bukatu:** 00:05:48
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko zereginak
- Lanbideak » Neskameak

Laburpena:

Senideek eta auzokoek lagunduta jarraitu zuten baserriarekin. Maria 10 urterekin umezain joan zen Matingua (gaur galduta) kale-baserrira. Gero Legazpiko Lekuona baserrira joan zen, umezain hara ere.

Transkripzioa

- Ganau asko zeukatzuein orduan?
- Ba ardi batzuk eta beste bost behi edo hola. Ta gero beste zerik ez. Ba, oiluak o. Txarrixa edo. Ba, etxeko zerak. Ta baserrixa ba bastante haundixa. Baserrittik bizi giñan ta. Beste gauzaik ez euen orduan.
- Ta lan in bihar ezta?
- Lan in bihar.
- Umetatik ya...
- Ta gero ni orduan fan nitzan ba umia zainketara. Hor batenbatek, Matinguan edo, esan otsain aber umia zainketako, beste bat izateko dauzela ta, bueno ba.
- Zortzi urtekin?
- Hamar urtekin. Bai. Komunio haundixa itten zan hamaika urtekin orduan, ta artian komunio haundixa in barik. Hamar urtekin mutikua, hiru urteko mutikua zainketara. Lepuan, lepuan.
- Zuk hamar urte ta hiru urteko mutikua lepuan. Hori Matingua?
- Matinguan, bai. Oin eztau han basarririk, hareik danak bota zittuein ta. Soruak euzen oin abenida dan aldea. Ta umia zainketara bakarrik ez, gero han soroko lanak eta, ittaurren ta, danera. Bai. Gero amandria gaixotu edo in zan, hamasei hilabete edo in nittuan, eta gero fan nitzan etxea. Ta geo amandria atzea ondo geatu zan ta beste gizon bat etorten zan Legazpittik udazkenian ardixak eruatera. Ta harek gure amari dale ta dale ta dale, umetxo bat eukaila, beste bat orduan izateko azela ta haxe umia zainketara pittintxo bat; eta engaiñau eben. Atzea Legazpira kriada. Atzea hamahiru urtekin edo.
- Nun egon ziñan Legazpin?
- Lekuna. Basarrixa zan.
- Lekuna?
- Bai, Lekuona, Lekuna.
- Ta Legazpiko ze auzounatan?
- Ba Legazpi ta Zumarraga bittartian. Legazpira sartzen zan baiña ixa Zumarraga aldea.
- Lekuona ondiok be badau baserri hori?
- Bai, bai, bai. Baserririk ez dakitt segitten dauen baiña. Gizonak eleixan itten eben lana, ta aittajuna ta amandria, amandria be eukain e, inbalida

edo. Silla zer baten eukitten euen. Eta ni han neuela bigarren umia jaixo zan, eta umezain ta ardixak be baeukain ta ardittara ta danea. Orduan zan gerra denporia.

- A, karo, ya orduan zu hara hamabi-hamahirukin fan baziñan... Han zeuntzela hasi zan gerria?

- Ez, hasi ta gero fango nitzan.

- Hamalaukin orduan?

- Gerria hasi zanian ni artian Imittolan neuen, zeatik akordaitten naiz e, zela eon zian han Udanatik fanda kuadrilla haundi bat.

3. Milizianoak etxean

- **Erref:** ONA-089/004
- **Iraupena:** 0:02:00. **Hasi:** 00:05:48. **Bukatu:** 00:07:48
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Gerraren eragina
- Politika » Gerra zibila (1936-1939) » Gerraren hasiera

Laburpena:

<p>Gerra hasi zenean, Maria Imitolan zegoen, bere jaiotetxean. Gogoan du miliziano kuadrilla bat Udanatik etorri zela, eta ahal izan zutena eman zietela. Arrautzak plazan saldu, eta diruarekin olio edo azukrea erosten zuten.</p>

Transkripzioa

- Kafia hartzen ta.

- Badakit gaiñera bat. Neuk dakot grabaziñua. E... Alejo Ugarte.

- Alejo.

- Eta igual Kapo be bai.

- Nik eztakitt. Orduan nik... umiak gu artian e. Ezautu ez geben itten. Alejo bai, nola zan auzokua. Ta eskolan gaiñea euran etxian egoten giñan bazkaitten. Geuk bazkaixa eruaten geben baiña han etxian egoten giñan. Alejo ezauketan geben. Eta hara etorri zian kuadrilla haundi bat, Udanatik pasauta ta, geukanak emun gosten, kafia, arrautzak, geukanak, eta gero Aurreko Mendira fan zian handik.

- Bai, hoixe. Gauza iguala esaten dau berak. Ointxe gaiñea papelera pasau dot zea.

- Bai.

- Alejo Kapoi esaten "ez haiz akordaitten Imittolan arrautza pare bat ta zela jan giñuan?" Ta geo Aurreko Mendira.

- Aurreko egunian ama fan zan kalea, mobiu zan, baina ez otsain ametiu ta arrautzak bestela ez zian egongo. Arrautzak saltzera eruaten gittuan. Eta arrautzakin atzea buelta in euen kalea sartu barik, etxea. Ta arrautzok danok han euzen. Otzarakadia. Batzuk uretan pasauta.

- Kalea faterik be ez euen orduan?

- Egun hartan ez behintzat.

- Baina herrixa trankil euen, ezta?

- Artian bai.

- Problemia hor Udanan euen.

- Artian bai, zapatuan bai. Hori domekia zan, e. Beste egun hori domekia izango zan. Aurreko egunian e... zapatuan behintzat ez otsain amari kalera faten itxi, nik badakit hori. Atzea bueltau ta, Iruretatik edo, atzea bueltau zian gora. Eta azukarrik be eztakitt egongo zan, zeatik e, astian astekotxua eruaten zan orduan. Dirurik ez euen ta. Arrautzakin hartzen zan diruakin

asterako olixua ta.

- Eta arrautza horreik itxerik itxe saltzen zittuein edo plazan edo zela?
- Plazan, bai. Bueno, enkarguak egoten zian batenbat, dendan baten. Baiña aparte plazan.
- Plazakua zapatutan izango zan.
- Zapatuan, zapatuan itten zan orduan be plazia, bai.
- Ta zu gerria hasi ta gero fan baziñan Legazpira, ya Udanakua pasauta euen? Udanako frentia ta?
- Nik uste...

4. Gerrako kontuak

- **Erref:** ONA-089/005
- **Iraupena:** 0:02:09. **Hasi:** 00:07:48. **Bukatu:** 00:09:57
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka

Laburpena:

Gerrako hegazkinak pasatzen zirenean, karobi zaharrean gordetzen ziren. Legazpi aldetik soldaduak ihesi etortzen ziren. Euren baserritik, Imitolatik, pasatu zirenak gogoratzen du.

Transkripzioa

(Ta zu gerria hasi ta gero fan baziñan Legazpira, ya Udanakua pasauta euen? Udanako frentia ta?)

- Nik uste dot pasauta euela. Bai, bai, bai. Zeatik e, ni han neuela hor Elgeta aldera ta pasaitten zian zerak, aireoplanuak. Mordua. Ta gu han karobi zahar batera ta sartzen giñan orduan bilddurrakin. Ta bai, bai, pasauta euen. Udanakua pasauta, gero zan hori.
- Olabarrietan bapebe bonbarik jausi zan edo dana goixan izan zan?
- Eztakitt nik Olabarrietan ez zan. Han Udanan edo ez zan egon batenbat?
- Udanan hilddakuak be bai.
- Bai, bai, hori bai, egon zian bai. Geo beste... ez dakit.
- Baiña burrukia kalea ez zan etorri.
- Ez dot uste, ez, ez. Kalian uste dot pasau bakarrik ingo ziala o eztakit zela izan zan be.
- Bai, zeatik e, Alejok...
- Umiak giñan artian ta...
- Alejok kontaitten dosku handik Aurreko Mendira, Imitolatik Aurreko Mendira fan ziala eta geo Torrera. Ta Torretik "vigía" batzuk bialdu plazara, aber ze giro euen kalian. Torre, Torrealde.
- Torrealde, bai.
- Eta "vigiok" bueltan etorri ez. Eta eurak azkenian gabaz, jeitsi ziala hamaikak aldera, eta bi edo hiru lagun metrailetakin xoiazelaz, eta plazako argi danak ixututa. Ta iñobez. Katurik be ez plazan. Eta portalik portal fan ziala bilddurrez, batenbatek bentanatik tiro ingo ete otsain edo, eta Zubillagara fan ziala handik. Eta geo handik Elorrixora.
- Ta hortik aurrerakorik ez dakit. Nik gurian egon ziana, hori bai. Eta aurreko egunian hor Legazpi aldetik pasau zian han goittik behera, guretik behera, bueno... igesi.
- Milizianuak?
- Ez dakit nik zer zien! Gu umiak itturrittik ura karriu, amandriak esnia baeukan egosi ta bi pitxarkada danai, pasau zian danai emun gosten

zerbaitt. Ta guretik behera nik ez dakitt nora fan zian, Oñatittik aurrera fango zian. Ya baetozen Legazpi aldetik honutz itxuria, ta danak ba mendittik, Imittolatik behera.

5. Kale baserri batera umezain

- **Erref:** ONA-089/007
- **Iraupena:** 0:03:24. **Hasi:** 00:10:15. **Bukatu:** 00:13:39
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Lanbideak » Neskameak

Laburpena:

Matingua kale-baserrian hasi zen neskame lanean. Baserri ondoan "Don Paco" bere zaldia zaintzen zuen. Bartoluen eta Agerrena kale-baserriak ere gogoratzen ditu; gaur denak galduta daude. Gaurko Euskadiko Etorbidea dena soro zen garai hartan. Ospitaleko eskolara joaten zen, arratsaldez bakarrik. Olabarrietako eskolan ere ikasi zuen negu batean.

6. Donostiara ospitalera

- **Erref:** ONA-089/008
- **Iraupena:** 0:03:10. **Hasi:** 00:13:39. **Bukatu:** 00:16:49
- **Multimedia:** bideoa online ikusgai

Gaia(k):

- Ohiturak eta bizimodua » Osasuna » Gaixotasunak
- Ohiturak eta bizimodua » Osasuna » Osasun-zentroak

Laburpena:

Legazpin umezain zegoela, eskuan kiste batek irten zion. Etxera itzuli zen eta harrezkero ez zen gehiago neskametzan jardun. Kistea Donostiako San Anton ospitalean kendu zioten, gerra denboran. Donostian senideak bazituen. Baita bertara neskame joandako auzokideak ere.

7. Etxean, ezkondu zen arte

- **Erref:** ONA-089/009
- **Iraupena:** 0:01:51. **Hasi:** 00:16:49. **Bukatu:** 00:18:40
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko zereginak

Laburpena:

Berak neskame joatea nahi zuen arren, etxean lan asko zegoen eta ezkondu arte bertan egon zen. Ama minbiziak eraman zuen, Mariak 20 urte zituela. Jolas gutxi egindako umea izan zen Maria.

8. Umea umezain

- **Erref:** ONA-089/010

- **Iraupena:** 0:03:00. **Hasi:** 00:18:40. **Bukatu:** 00:21:40
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko zereginak
- Lanbideak » Neskameak

Laburpena:

Matingua kale-baserrian umezain egon zenean, baserriko beste lan batzuk ere egiten zituen, itaurrean esaterako. Etxeko gizonak Oñatiko Egaña okindegitik Arrasateko Santa Agedara eramaten zuen ogia egunero. Mariak egosteko erremolatxa garraiatzen zuen galdarara. Etxeko lanetan ere laguntzen zuen. Matinguan ez zuen garbitzen arroparik, baina Legazpin egon zenean bai, etxe aurrean zegoen uraskan.

9. Etxe zahar baten, erreterero

- **Erref:** ONA-089/011
- **Iraupena:** 0:03:15. **Hasi:** 00:21:40. **Bukatu:** 00:24:55
- **Multimedia:** bideoa online ikusgai

Gaia(k):

- Baserría » Baserriko bizimodua » Baserriaren historia eta kokalekua
- Baserría » Baserriko bizimodua » Baserriko bizimodua

Laburpena:

Imitolan ez zuten ez argindarrik, ez urik etxean, ezta ekonomika surik. Beheko sua bakarrik zegoen sukaldean. Etxea errentan hartuta zuten. 30 ogerleko urtero eta etxeko kapoi, bildots eta fruituekin ordaintzen zuten errenta.

10. Gerraostean goserik ez

- **Erref:** ONA-089/012
- **Iraupena:** 0:02:57. **Hasi:** 00:24:55. **Bukatu:** 00:27:52
- **Multimedia:** bideoa online ikusgai

Gaia(k):

- Baserría » Baserriko lanak » Herrira saltzera, erostera
- Politika » Gerraostea eta Francoren diktadura » Ekonomia gerraostean

Laburpena:

Gerraostean garia eta babarruna udaletxera eramaten zuten. Errotak itxi zituztenean, garia Zumarragan ehotzen zuten. Kapritxorik gabe, baina goserik ez zuten pasatu gerraostean. Larunbatero joaten ziren plazara etxeko gauzak saltzera, astoa ondo kargatuta.

11. Plazako azoka

- **Erref:** ONA-089/013
- **Iraupena:** 0:02:45. **Hasi:** 00:27:52. **Bukatu:** 00:30:37
- **Multimedia:** bideoa online ikusgai

Gaia(k):

- Herria, azpiegitura » Herri-antolaketa » Merkataritza, dendak (kokapena)

- Baserria » Baserriko lanak » Baratzea eta soroa
- Baserria » Baserriko lanak » Herrira saltzera, eroatera

Laburpena:

Aguazila etortzen zen azokako postua kobratzera. Fruta-denda gutxi zeuden Oñatin eta jende asko joaten zen erosketak egitera plazara. Lukas fruta saltzailearekin gogoratzen da. Olearena, Goñina eta Aitzekua dendak ere aipatzen ditu.

12. Kanpotar saltzaileak

- **Erref:** ONA-089/014
- **Iraupena:** 0:01:52. **Hasi:** 00:30:37. **Bukatu:** 00:32:29
- **Multimedia:** bideoa online ikusgai

Gaia(k):

- Baserria » Baserriko lanak » Herrira saltzera, eroatera

Laburpena:

Plazara kanpoko baserritarrak ere etortzen ziren fruta eta barazkiak saltzera. Gabiria, Bergara eta Arrasateko saltzaileak ezagutu zituen Mariak.

13. Arantzazura ezkondu zen

- **Erref:** ONA-089/015
- **Iraupena:** 0:02:44. **Hasi:** 00:32:29. **Bukatu:** 00:35:13
- **Multimedia:** bideoa online ikusgai

Gaia(k):

- Baserria » Baserriko bizimodua » Baserriko bizimodua
- Familia eta harremanak » Lagunartea eta familia » Etxeko zereginak

Laburpena:

26 urterekin ezkondu zen, Arantzazu auzoko Arrikurtz baserrira. 9 laguneko familia zegoen orduan Arrikurtzen. Hasieran bere jaiotetxean baino lan gehiago ez zen izaten, baina umeak etorri eta senarra lantegian hasi zenean, lan gehiago egin behar izan zuen.

14. Etxe gainean harrobia

- **Erref:** ONA-089/016
- **Iraupena:** 0:01:21. **Hasi:** 00:35:13. **Bukatu:** 00:36:34
- **Multimedia:** bideoa online ikusgai

Gaia(k):

- Lanbideak » Etxeginak

Laburpena:

Arrikurtz baserriaren gainean harrobi bat zegoen, eta sarritan harriak erortzen ziren etxeko teilatura. Mariaren senarrak eta koinatuak harrobian egiten zuten lan.

15. Umearentzako lan gogorrak

- **Erref:** ONA-089/018

- **Iraupena:** 0:03:46. **Hasi:** 00:36:52. **Bukatu:** 00:40:38
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko zereginak
- Lanbideak » Neskameak

Laburpena:

Legazpira umezain joan zenean, etxeko ardiak jezten zituen. Oinak beti bustita izaten zituela eta hagineta mina gogoratzen ditu handik. Arropa garbitzen ere egiten zuen Legazpin. Han ez, baina errautsarekin egiten zuten lixiba bai Imitolan eta baita Arrikurtzen ere.

16. Arrikurtzen Imitolan baino aurreratuago

- **Erref:** ONA-089/019
- **Iraupena:** 0:03:08. **Hasi:** 00:40:38. **Bukatu:** 00:43:46
- **Multimedia:** bideoa online ikusgai

Gaia(k):

- Baserría » Baserriko bizimodua » Baserriko bizimodua
- Ohiturak eta bizimodua » Jantzi eta orraztu » Garbitasun pertsonala

Laburpena:

Urik ez zegoen Arrikurtz baserrian, baina Imitolan ez bezala, argindarra eta sukaldeko ekonomia bai. Soroan lihorik (linurik) ez zuen ezagutu Mariak. Arto-mazkalezko lastaira (jergoi) bat bazegoen Arrikurtzen. Koltxoiak ematen zituen lanak azaltzen ditu.

17. Etxeko garbiketa lanak

- **Erref:** ONA-089/020
- **Iraupena:** 0:02:03. **Hasi:** 00:43:46. **Bukatu:** 00:45:49
- **Multimedia:** bideoa online ikusgai

Gaia(k):

- Ohiturak eta bizimodua » Jantzi eta orraztu » Garbitasun pertsonala

Laburpena:

Xaboiak takoetan egoten ziren "Chimbo" edo "Lagarto" izaten ziren. Zoruak garbitzeko argizaria eta agoarrasa erabiltzen zuen. Astean behin garbitzen ziren zoruak.

18. Igande arratsaldean jai

- **Erref:** ONA-089/021
- **Iraupena:** 0:00:31. **Hasi:** 00:45:49. **Bukatu:** 00:46:20
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Gaztetako ibilerak

Laburpena:

Legazpin egon zenean, igande arratsaldea jai izaten zuen. Erreal birekin, Zumarragara joaten zen lagunekin.

19. Elgetako bonbardaketak

- **Erref:** ONA-089/022
- **Iraupena:** 0:02:12. **Hasi:** 00:46:20. **Bukatu:** 00:48:32
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka
- Politika » Gerra zibila (1936-1939) » Gerran hildakoak eta zauritutakoak

Laburpena:

Gerra denboran, Oñatin ez zuen tirorik entzun, baina hegazkinak Elgetarantz joaten ikusten zituzten eta hango bonbardaketak ere entzuten ziren. Oñatiko preso eta hildako batzuen kontuak.

20. Gari-lanak baserritarrek elkarrekin

- **Erref:** ONA-089/024
- **Iraupena:** 0:02:26. **Hasi:** 00:49:08. **Bukatu:** 00:51:34
- **Multimedia:** bideoa online ikusgai

Gaia(k):

- Familia eta harremanak » Herriko giroa » Auzokoen arteko harremana
- Baserria » Baserriko lanak » Garia

Laburpena:

<p>Garia igitaiarekin ebakitzen zuten. Gero lotu eta metak egiten zituzten. Garia jotzeko makina alokatu egiten zuten. Garia beranduago heltzen zen Arantzazun kalean baino. Garia ebakitzeko auzotarrek elkarri laguntzen zioten.</p>

21. Imitola inguruko baserriak

- **Erref:** ONA-089/025
- **Iraupena:** 0:01:54. **Hasi:** 00:51:34. **Bukatu:** 00:53:28
- **Multimedia:** bideoa online ikusgai

Gaia(k):

- Baserria » Baserriko bizimodua » Baserriaren historia eta kokalekua
- Herria, azpiegitura » Herri-antolaketa » Auzoak

Laburpena:

Imitolako auzunean hiru etxe ziren, Kortabarri eta Sustiaberekin. Kortabarrin etxebizitza bi ezagutu zituen Mariak. Legazpi aldean zegoen Satui baserrikoek ere parte hartzen zuten gari-lanetan. Legazpiko mugan dagoen Satuikurtz bidegurutzearen berri ematen du Mariak.

22. Arantzazun gazta saltzen

- **Erref:** ONA-089/026
- **Iraupena:** 0:03:05. **Hasi:** 00:53:28. **Bukatu:** 00:56:33
- **Multimedia:** bideoa online ikusgai

Gaia(k):

- Baserría » Baserriko lanak » Artzaintza
- Baserría » Baserriko lanak » Herrira saltzera, eroztera

Laburpena:

<p>Jai egunetan Arantzazura joaten zen gazta saltzera. Auzoko beste baserrietatik ere joaten ziren gazta saltzen eliza ondora. Kalera joan zirenean kendu zituzten ardiak. Legazpin ardiak jezten izaten zituen zailtasunak azaltzen ditu.</p>

23. Bakoitzak bere platerean

- **Erref:** ONA-089/027
- **Iraupena:** 0:02:38. **Hasi:** 00:56:33. **Bukatu:** 00:59:11
- **Multimedia:** bideoa online ikusgai

Gaia(k):

- Baserría » Baserriko lanak » Baserriko animaliak
- Ohiturak eta bizimodua » Elikadura » Jatekoa eta edatekoa

Laburpena:

<p>Gazta besterik ez zuten saltzen. Behi esnea etxerako izaten zen; gainetikoa txahalek hartzen zuten. Ardi-esnea saltzen zuten batzuetan. Etxean gatzatua ontzi baten egiten zen, eta handik plateretara banatu. Bakoitzak bere plateretik jatea luxua zen aitajaunaren iritziz.</p>

24. Baserriko jakiak

- **Erref:** ONA-089/028
- **Iraupena:** 0:03:27. **Hasi:** 00:59:11. **Bukatu:** 01:02:38
- **Multimedia:** bideoa online ikusgai

Gaia(k):

- Baserría » Baserriko lanak » Baratzea eta soroa
- Baserría » Baserriko bizimodua » Baserriko bizimodua
- Baserría » Baserriko lanak » Sagarra, sagastiak

Laburpena:

Babarrunak, azak eta urdaia ziren asteguneko eguneroko jakiak, urte osoan. Igandetan garbantzua eta okela egosia. Etxean fruta asko hartzen zuten. Sagarrekin pitarra egiten zuten. Gaztaina denboran egunero jaten zituzten gaztainak. Kontzezioak arte egosita, eta gero erreta. Ardoa gari-lanetan zebiltzanean bakarrik edaten zuten. Arrikurtzen idiak ere bazituzten.

Ahotsak.eus-eko edukiarekin sortutako dokumentu automatikoa.

2025-12-17

CC-by-sa | Ahotsak.eus

Badihardugu Euskara Elkarte

Markeskua Jauregia, 20600 Eibar

943121775 - ahotsak@ahotsak.com